

## Erindisbréf fyrir ungmennaráð Dalvíkurbyggðar

### 1. Stjórnskipuleg staða:

Ungmennaráð heyrir beint undir sveitastjórn og starfar í umboði hennar. Ráðið starfar á fræðslu- og menningarsviði. Íprótta- og æskulýðsfulltrú er starfsmaður ráðsins með málfrelsi og tillögurétt á fundum ráðsins. Íprótta- og æskulýðsfulltrúi ritar að jafnaði fundargerðir ráðsins en ráðið getur valið sér annan fundarritara úr starfsmannahópi sveitarfélagsins.

### 2. Skipun ráðsins:

Í ungmennaráði eiga sæti fimm fulltrúar, sem eru kjörnir til tveggja ára í sinni á þingi ungmenna í Dalvíkurbyggð sem haldið skal fyrir 1. október annað hvert ár. Á sama hátt eru kjörnir fimm fulltrúar til vara. Ungmennaráð skiptir með sér verkum og kýs sér formann og varaformann.

Segi fulltrúi af sér eða hættir af öðrum örsökum skal fyrsti varamaður taka sæti hans. Sama gildir ef fulltrúi missir kjörgengi vegna flutnings úr sveitarfélaginu.

Fulltrúar geta þeir verið sem eiga lögheimili í Dalvíkurbyggð og eru 14 – 20 ára á árinu sem skipað er í ráðið. Góð aldursdreifing er æskileg en er þó ekki skilyrði.

Sveitarstjóri á rétt til að sitja fundi ráðsins með málfrelsi og tillögurétti. Stjórnendur og starfsmenn Dalvíkurbyggðar skulu sitja einstaka liði á fundum ráðsins, þegar eftir því er leitað. Stjórnendur sitja að jafnaði einstaka dagskrárliði á fundum þegar fjallað er um málefni er varðar þeirra stjórnunarsvið sérstaklega.

### 3. Fundarboðun, dagskrá, fundarstjórn og ritun fundagerða:

Um boðun ungmennaráðs, fundastjórnun og ritun fundagerða fer samkvæmt gildandi samþykkt um stjórn Dalvíkurbyggðar. Formaður ungmennaráðs, eða varaformaður í forföllun hans, undirbýr dagskrá fundarins í samráði við íprótta- og æskulýðsfulltrúa á fyrirfram ákveðnum undirbúningsfundi. Íprótta- og æskulýðsfulltrúi boðar fund í nafni formanns, eða varaformanns, og sendir út fundarboð.

Boða skal fund með a.m.k. tveggja sólarhringa fyrirvara. Fundir ráðsins skulu vera a.m.k. sex á ári, þó fleiri ef þurfa þykir, eða jafnaði einu einni í mánuði ef heimild er fyrir því í gildandi starfs- og fjárhagsáætlun. Í upphafi kjörtímabils skal ákveða fastan fundartíma.

Fundir skulu haldnir samkvæmt boðaðri dagskrá. Öll frávik frá henni dagskrá skulu borin undir atkvæði. Heimilt er að taka mál á dagskrá þótt ekki sé þess getið í fundarboði, enda samþykki 2/3 viðstaddra fulltrúa í ráðinu þau afbrigði.

#### 4. Málaflokkar og deildir sem falla undir ráðið:

- 06040 Ungmennaráð

Stofnanir sem heyra undir ungmennaráð:

- Engar.

#### 5. Valdsvið:

Fulltrúar í ungmennaráði hlutast ekki til um starfsemi sveitarfélagsins í málefnum sem ráðinu er falið nema á fundum ráðsins. Þó getur ráðið, byggðaráð eða sveitarstjórn falið fulltrúa að vinna að undirbúningi máls með starfsmanni, enda felist engar ákvarðanir í þeirri vinnu.

Í starfs – og fjárhagsáætlun Dalvíkurbyggðar ár hvert skal ákvarða fjárheimildir til verkefna ungmennaráðs; laun vegna funda, þinghald, útgáfa og/eða fræðsla.

#### 6. Hlutverk og verkefni ráðsins:

- Að vera sveitarstjórn til ráðgjafar um málefni ungs fólks í sveitarfélaginu.
- Að þjálfa ungmenni í lýðræðislegum vinnubrögðum.
- Að skapa vettvang fyrir ungmenni til að koma á framfæri hagsmunamálum, skoðunum og áherslum ungs fólks í Dalvíkurbyggð.
- Að koma með tillögur til sveitarstjórnar um málefni er hafa áhrif á umhverfi og aðstæður ungmenna í sveitarfélaginu.
- Að efla umfjöllun sveitarfélagsins um málefni er tengjast ungu fólki.
- Að fylgja eftir að stofnanir og þjónusta sveitarfélagsins hafi hagsmuni ungs fólks að leiðarljósi.
- Að fjalla um erindi og mál sem vísað er til ráðsins frá sveitarstjórn, byggðaráði og/eða fagráðum.
- Að leitast eftir sem flestum sjónarmiðum barna og ungmenna í störfum sínum þannig að ályktanir þess og skoðanir endurspegli sem best almenna vilja ungs fólks í sveitarfélaginu.
- Að hafa frumkvæði að umfjöllun mála er varðar ofangreint.
- Að eiga samvinnu við aðra aðila í sveitarfélaginu um framkvæmd hátíðarhalda og viðburða á vegum sveitarfélagsins.
- Að starfa með íprótta- og æskulýðsfulltrúa að verkefnum sem undir hann og ráðið heyrir.
- Að taka fyrir á fundum ráðsins stöðu bókhalds í samanburði við heimildir í fjárhagsáætlun.
- Að taka fyrir á fundum ráðsins framgang áætlana.

Ungmennaráð gerir tillögur að framtíðarsýn og markmiðum fyrir starfsemi sveitarfélagsins í samræmi við hlutverk og verkefni ráðsins. Ráðið gerir tillögur að starfs- og fjárhagsáætlun fyrir ungmennaráð í samstarfi við íprótta- og æskulýðsfulltrúa.

Hlutverk ráðsins er m.a. að vera sveitarstjórn til ráðgjafar um málefni ungs fólks í sveitarfélaginu, 11. gr. V. kafla í Æskulýðslögum nr. 70 frá 28. mars 2007. Sveitarstjórn setur nánari reglur um hlutverk og val í ungmennaráð. Ráðið gerir tillögur um úrbætur og nýsköpun varðandi þau málefni sem ráðið fjallar um.

Auk verkefna sem ráðið hefur með höndum skv. lögum og erindisbréfi þessu, getur sveitarstjórn falið því ýmis mál með erindisbréfum eða sérstökum samþykktum.

### **7. Starfshættir, lagaákvæði og heimildir:**

Um starfshætti ráða er sérstaklega fjallað í VI. kafla samþykktar um stjórn og fundarsköp Dalvíkurbyggðar og skal þeim fylgt eftir því sem við á. Formaður stýrir fundum ráðsins skv. ákvæðum III. og IV. kafla samþykktar um stjórn og fundarsköp Dalvíkurbyggðar. Í störfum sínum skal ráðið fylgja þeim lögum og reglugerðum sem um starfssvið þess gilda hverju sinni.

Til að fylgja eftir samþykktum ráðsins skulu fulltrúar ráðsins snúa sér til íþróttá- og æskulýðsfulltrúa.

### **8. Réttindi og skyldur:**

Um réttindi og skyldur fulltrúa í ungmennaráði gilda eftir atvikum ákvæði sveitarstjórnarlaga, upplýsingalaga, stjórnsýslulaga, samþykktar um stjórn Dalvíkurbyggðar, ákvæði siðareglna kjörinna fulltrúa, innkaupastefnu og innkaupareglna, lögreglusamþykktar, samþykkt um fjárhagsáætlunarferli Dalvíkurbyggðar, reglna vegna gerðar viðauka við fjárhagsáætlun, almennra reglna um birtingu gagna með fundagerðum, persónuverndar- og öryggisstefnu, lýðræðisstefnu, upplýsingastefnu og mannauðsstefnu Dalvíkurbyggðar, stefna, reglna og samþykktá fræðslu- og menningarsviðs er varðar hlutverk ungmennaráðs.

Fulltrúar eru bundnir þagnarskyldu vegna mála, sem þeir fá vitneskju um í starfi sínu fyrir ráðið og ætla má að leynt eigi að fara skv. eðli máls eða lögum, hvort sem þau varða einka- eða almannahagsmuni. Þagnarskylda helst óbreytt þótt menn hætti setu í ráðinu eða láti af störfum á þess vegum.

**Samþykkt á 25. fundi ungmennaráðs þann 15.11.2019.**

**Samþykkt á 326. fundi sveitarstjórnar þann 16.06.2020.**